
Saksnr: 2020/71722-4
Saksbehandlar: Sissel Lillebø Aarseth

Saksgang

Utval	Utv.saksnr.	Møtedato
Valnemnda		15.12.2020
Fylkestinget		15.12.2021

Regional plan for kultur, idrett og friluftsliv Vestland - oppnemning av saksordførar

Forslag til vedtak:

1. vert vald som saksordførar for Regional plan for kultur, idrett og friluftsliv.
2. Saksordføraren trer i funksjon frå det tidspunktet planarbeidet startar og skal vere medlem av ei eventuell styringsgruppe.

Samandrag

Utviklingsplanen legg til grunn at det skal utarbeidast regional plan for kultur, idrett og friluftsliv med oppstart i 2021.

Arbeidet med å førebu planarbeidet er igong.

Planarbeidet skal ha ein saksordførar for å styrke den politiske forankringa og gi betre rom for politiske innspel i prosessen, jf. Delegeringsreglement for folkevalde organ og delegering.

Rune Haugsdal
fylkesrådmann

Per Morten Ekerhovd
fylkesdirektør

Saksframlegget er godkjent elektronisk og har difor inga handskriven underskrift

Saksutgreiing

Bakgrunn for saka

Utviklingsplan for Vestland (regional planstrategi), vedteke 29.09.20 viser at ein skal utarbeide ein regional plan for kultur, idrett og friluftsliv. Arbeidet startar opp i 2021. Planen er ein revisjon av dei to gjeldande regionale kulturplanane.

I PS-sak 157/2020 av 25.11.20 gjorde hovudutval kultur, idrett og integrering følgjande vedtak:

- 1. Innretning av arbeid fram mot oppstart av regional plan for kultur, idrett og friluftsliv vert tatt til vitande slik det ligg føre i saka.*
- 2. Arbeidet med ulike strategiar innan hovudutvalet sitt ansvarsområde vert innarbeidd i arbeidet med regional plan.*
- 3. Hovudutval kultur, idrett og integrering ber om at det vert lagt fram sak til valnemnda og fylkestinget om val av saksordførar for planarbeidet jf. Reglement for folkevalde organ og delegering, punkt 3 i retningsliner for saksordførarordninga.*

Denne saka er ei oppfølging av pkt 3 i vedtaket.

Retningsliner for saksordførarordninga

Saksordførarordninga skal legge til rette for at ein folkevald på vegne av fylkestinget kan følge og følge opp ei sak gjennom saksbehandlinga. Ordninga er forankra i Reglement for fylkestinget punkt 3.7.1. dette jf. reglement for folkevalde organ og delegering.

Føremålet i punkt 1 viser at «Saksordføraren får høve til å sette seg særleg godt inn i saka for dermed å gi dei folkevalde organa god innsikt i og betre grunnlag for å treffe avgjerd. Saksordføraren skal følgje saka og arbeide for at den blir best mogeleg opplyst sett frå ein politisk ståstad. Saksordføraren skal også arbeide for å få til nødvendige politiske avklaringar og forhandlingar i den politiske avgjerdsprosessen.

Saksordførarordninga skal:

- styrke den politiske innsikta i sakene
- gi betre rom for politiske innspel i saksførebuinga
- ha eit samordningsansvar dersom saka omfattar fleire utval sitt arbeidsområde
- følgje saka gjennom heile prosessen, også ved saksbehandling i fylkesutvalet

Ordninga skal likevel ikkje endre ansvaret og pliktene til fylkesrådmannen i førebuinga av sakene. Saksordførar opptre på vegne av fylkestinget, men har ikkje formell mynde i saka eller overfor administrasjonen».

Saksordførar skal nyttast i plansaker jf. punkt 2 i retningslinene.

Saksordførar blir oppnemnd av fylkestinget jf. punkt 3.

Jf. punkt 4 trer saksordførar i plansaker i funksjon frå det tidspunktet planarbeidet startar. Saksordførar skal i slike saker vere medlem av eventuell styringsgruppe eller tilsvarande. Saksordførar følgjer saka fram til endeleg avgjerd i fylkesutvalet eller fylkestinget.

Vedtakskompetanse

Fylkestinget jf. Reglement for folkevalde organ og delegering, punkt 3 i retningsliner for saksordførarordninga.

Vurderingar og verknader

Planarbeidet skal ha ein saksordførar for å styrke den politiske forankringa og gi betre rom for politiske innspel i prosessen, Saksordføraren trer i funksjon frå det tidspunktet planarbeidet startar og skal vere medlem av ei eventuell styringsgruppe.

I saker der det er aktuelt å nytte saksordførar kan fylkesrådmannen, hovudutvalet, planutvalet, finansutvalet eller fylkesutvalet ta initiativ til oppnemning av saksordførar. Fylkestinget har utsett å ta stilling til om saksordførarordninga skal avviklast. Såleis gjeld ordninga enno.

Hovudutval kultur, idrett og integrering har bedt om at det vert lagt fram ei sak om oppnemning av saksordførar utan å foreslå kandidat.

Fylkesrådmannen kan legge fram sak til valnemnd og fylkesting om oppnemning av saksordførar. Hovudutvalet kan også ta initiativ til dette, og vurdere om dei ønskjer å peike ut forslag på kandidat til saksordførarvervet. Hovudutval for kultur, idrett og integrering har i PS-sak

Økonomi: Det er sett av midlar til gjennomføring av planarbeidet i sektorbudsjett 2021.

Klima: Ikkje relevant her

Folkehelse: Ikkje relevant her

Utviklingsplan for Vestland 2020-2024 (Regional planstrategi):

Utviklingsplanen blir lagt til grunn for alt planarbeid i regionen, jf. pkt. 5.1. i utviklingsplanen. Måla i utviklingsplan for Vestland skal bli lagt til grunn for nye planer. Regional plan for kultur, idrett og friluftsliv skal ta inn over seg dei 4 måla i utviklingsplanen, basere seg på vedteke utfordringsdokument og statistikk og utviklingstrekk i Vestland. Berekraftsmåla til FN er sentrale og indikatorarbeidet som er vist i kapittel 2 i Utviklingsplanen vert sentralt i vurderinga av måloppnåing.

Konklusjon

Hovudutval for kultur, idrett og integrering ber om at det vert oppnemnt saksordførar for planarbeidet.